


49

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
AUG 11 1936

T 9100.3092



馬記序

哈佛大學漢和
圖書館珍藏印

韓退之曰千里馬常有伯樂不常有予
不謂然馬之千里人之聖也攬轡舒節
凌雲光螭歷塊過都瞬息八極者千里
馬也智籠二儀才擅萬物見本知末觀
指覩歸者聖人也如曰千里馬常有伯

馬詩序
樂不常有是云聖人常有識聖人者不
常有也千里一士百世一聖聖人果常
有乎知聖人則知馬矣周穆王時天子
主車則造父爲御太丙爲右栢天主車
則參伯爲御奔戎爲右僅得八駿東漢
之末善相馬者有西河子輿子輿傳西

河儀長孺長孺傳茂陵丁君都君都傳
成紀楊子阿子阿傳馬伏波文淵然有
鼓銅鑄馬未覩實驥由是言之伯樂千
里馬孰爲常有子曰不患人之不已知
患其不能也夫馬何患伯樂之不知哉
患不千里耳於是采古今名馬爲記二

馬言序
卷上卷自伏羲至我

國朝帝王公侯所馭者得一百六十條
下卷據傳記載者得四十條泰和郭子
章記

蟻衣生馬記

泰和郭子章 輯

繡木

黃承玄

校

沈德先

馬記上

龍馬澤馬吉良朱髦

伏羲時龍馬負圖出河遂則其文以畫八卦瑞
應圖曰龍馬仁馬河水之精也高八尺五寸長

哈佛大學漢和
圖書館珍藏印

頸髀上有翼旁垂毛鳴聲九音有明主則見一本曰王者不誅馬則龍馬乘黃澤馬朱鬣竝集澤馬一曰吉良山海經曰大封國有文馬縞身朱鬣名曰吉良乘之壽千歲神異記西海有白馬朱鬣河伯使者乘之如飛所至之國雨水滂沱

飛黃乘黃

淮南子曰黃帝治天下飛黃服皂高誘曰飛黃

如狐背上有角日行萬里乘之壽三千歲韓愈曰飛黃騰踏去不能顧蟾蜍應劭曰乘黃龍翼馬身黃帝乘之而仙瑞應圖曰乘黃者王者輿服有度則出司馬相如封禪文招翠黃乘龍於招注翠黃乘黃也漢書禮樂志紫黃何其不狝下紫黃卽翠黃也呂氏春秋曰乘雅作駕寒衰作御

唐龍

尚書中候曰堯時龍馬銜甲赤文綠色臨壇上
甲似龜廣袤九尺圓理平上五色文有列星之
分斗政之度帝王興亡之數

虞乘黃

漢禮樂志舜時景星出房地出乘黃之馬

神馬騰黃吉光騃裏飛兔駃蹄

孝經援神契曰德至山林則澤出神馬瑞應圖
曰騰黃者神馬也其色黃王者德御四方則至

一名吉光乘之壽三千歲此馬無死時騃裏與
飛兔同以明君有德則至飛兔日行三萬里禹
治水土勤勞天應其德至駃蹄者后土之獸也
自能言語王者仁孝於民則出禹治水有功至
漢書音義曰騃裏神馬也赤喙黑身宋志曰漢
元和中騰黃見邵國

方澤

隨巢子云夏后氏興方澤馬出

九代雨龍

山海經曰大樂之野夏后啓於此舞九代馬乘
雨龍文選王元長序夏后雨龍載驅璿臺之上
注曰夏后啓有馬號爲雨龍乘游璿臺以饗諸
侯

驪翰駮駱蕃鬣

記曰夏戎事乘驪殷乘翰周乘駮夏駱馬黑鬣
殷白馬黑首周黃馬蕃鬣疏曰魯有三代之馬

駮駮馬而白腹者也武王代紂用之詩曰牧野
洋洋檀車煌煌駮駮彭彭蓋武王常以是勝紂
赤色黑鬣駮駮馬白腹駮

青龍遺風

伊尹說湯曰青龍之匹遺風之乘

野馬駒駮駮

汲冢書曰伊尹爲四正令正北請令以野馬駒
駮駮駮爲獻爾雅曰野馬如馬而小出塞外山

海經曰北海內有獸狀如馬名駟駟色青故馬之良者取以為名說文曰駟駟馬父驢母也故傳稱駟駟生三日而超其母桑御史言武帝平伯越以為囿圃駟駟駟駟實於外廐

鷄目

尚書大傳曰散宜生之犬戎氏取美馬驄身朱髦鷄目者取九六焉陳於紂之庭紂出見之還而覲之曰此何人也散宜生遂趨而進曰五蕃

之臣昌之使者

騶虞鷄斯

淮南子散宜生得騶虞鷄斯之乘○騶虞馬之似騶虞者

吉黃

周書曰犬戎之馬赤鬣白身目若黃金名曰馮吉黃之乘成王時來獻或曰文王時獻之

宗馬

晉輿服志成王之會壇垂陰羽五方之盛有貢
八十物宗馬烏旌奚往不格

雖馬

汲冢周書王會解俞人雖馬注俞東北夷雖馬
舊如馬一角

八駿

拾遺記曰周穆王馭八龍之駿一名絕地足不
踐土二名翻羽行越飛禽三名奔宵夜行萬里

四名越影逐日而行五名踰輝毛色炳耀六名
超光一形十影七名騰霧乘雲而奔八名挾翼
身有肉翅逝而駕焉按轡徐行以匝天地之域
穆天子傳天子命駕八駿之乘右服藹駟而左
騮駟右驂赤龍而左白灤天子主車造父爲御
商卣爲右次車之乘右服渠黃而左輪輪右駿
盜驪而左山子栢天主車參伯爲御奔戎爲右
至于黃澤官樂謠曰黃之池其馬歎沙皇人威

馬言
儀皇之澤其馬歎王皇人壽穀○齠音華麗音
驥蔡音義裔音泰尙音丙

驊騮綠耳盜驪騏驎織離

水經注湖冰出桃林塞之夸父山其中多野馬
造父于此得驊騮綠耳盜驪騏驎乘以獻周穆
王使之馭以見西王母荀子曰驊騮騏驎織離
綠耳古之良馬也魏文帝以織離馬遺吳○騏
驎馬文如博棊

雷首良馬

穆天子傳壬戌天子至于雷首犬戎觴天子雷
首之阿乃獻良馬四六

翠龍

楊雄河東賦注師古曰翠龍穆天子所乘馬也

駟馬

魯頌駟篇頌僖公也駟駟牡馬在坰之野薄言
駟者有驕有騶有驪有黃有騅有駟有騂有騏

有驛有駱有駟有馮有駟有駟有駟有駟有魚

玉馬玉澤

瑞應圖曰玉馬者王者清明尊賢則至一本曰玉澤馬者師曠時來

屈乘

左傳晉獻將伐虢荀息請以屈產之乘垂棘之璧假道于虞公曰此晉寶也荀息曰是取中府藏外府取中廐藏外廐也晉與虞荀息牽馬操

璧前曰璧則猶是馬齒加長矣

闌筋

晉柳問曰晉國名馬堅骨闌筋注一筋從玄中出謂之闌筋玄中謂目上痕如井字闌筋堅者千里黃存仁龍馬賦曰闌筋參情

駁

爾雅曰駟白駁徐鉉曰疑象駁文晉侯乘駁乳虎見之而服則象駁之文理或然也駁亦馬之

馬記

上色故古者國君乘之詩所謂隰有六駮者字
从交作字說曰駮類馬食虎而虎食馬凡類已
也而能除害已者在所交也則駮非此駮也

小駮六駮

左傳晉乘小駮鄭入也慶鄭曰今鄭異產以從
戎事及懼而變將與人易亂外強內乾進退不
能周旋不能又晉程鄭為乘馬御六駮屬焉使
訓羣駮知禮

駮駮

左傳唐成公有兩駮駮馬一云肅霜馬色如霜純

文馬

左傳宋人以文馬百駮贖華元於鄭

朱鬣

左傳宋公子地有白馬四公嬖向魍魎欲之公
知其尾鬣以與之

啓服

馬言
九
左傳衛侯來獻其乘馬曰啓服

騏駼騮

秦風小戎文茵暢轂駕我騏驎四牡孔阜六轡
在手騏駼是中騮騮是騫佻駟孔羣公矛鏿錚
黃馬黑喙曰騮今之淺黃色馬也宋明帝以騮
字旁似禍改作駟史稱文帝騮馬脊有肉鞍行
則先作弄四足

代馬

史記蘓秦傳燕車六百乘騎六千匹趙車千乘
騎萬匹魏車六百乘騎五千匹楚車千乘騎萬
匹秦北有代馬戰國策蘓厲說趙曰代馬胡駒

疇騎

韓非子曰秦穆公起卒革車五百乘疇騎二千
步卒五百萬輔重耳入於晉○疇等也言齊等

沙丘

伯樂對秦穆公曰臣有所與九方臯其於馬非

馬記
臣之比也穆公見之使行求馬三月而反報曰
已得之矣在沙丘牝而黃公使人往取之牡而
驪公召伯樂曰子之所使求馬者色物牝牡尚
弗能知又何馬之能知也伯樂曰若臯之所觀
天機也得其精忘其粗在其內而忘其外馬至
果天下之馬也

秦七馬

古今注曰秦始皇有七名馬一曰追風二曰白

兔三曰躡景四曰追電五曰飛翮六曰銅爵七
曰晨鳧

秦異

搜神記昔秦人築武州城將成而崩者數焉忽
有馬馳走周旋反覆人異之依以築成遂名馬邑
生角

游歷記燕太子丹質於秦求歸秦曰待烏頭白
馬生角乃歸太子仰天哭感烏頭白馬生角王

馬言
大驚遣歸

楚騶

史記項王駿馬名騶常騎日行千里及敗至烏江謂亭長曰吾騎此馬五歲所當無敵不忍殺以賜公

梟騎

帝紀高祖五年漢北燕人來致梟騎助漢

九逸

西京雜記漢文帝自代還有良馬九匹皆天下駿足也名曰浮雲赤電絕羣逸驃紫燕騶祿螭騶龍子麟駒絕塵號九逸有來宣能御選注紫燕騶一名飛燕騶

漢千里

賈捐之傳孝文時有獻千里馬者詔曰朕乘馬獨先安之還馬與道里費詔曰朕不受獻也令四方毋獻建武十三年異國有獻名馬者日行

千里

烏孫天西極汗血

張騫傳元狩中得烏孫馬好名曰天馬及得宛汗血馬益壯更名烏孫馬曰西極馬宛馬曰天馬應劭曰大宛舊有天馬蹋石汗從馬前肩轉出如血一日千里武紀太初四年貳師將軍李廣利斬大宛王首獲汗血馬來作西極天馬

宛天

之歌

宛王蟬封與漢約歲獻天馬二匹孟康曰言大宛國有高山其上有馬不可得因取五色母馬置其下與集生駒皆汗血因號天馬云

漢余吾水渥洼水

武紀元狩二年夏馬生余吾水中在朔方北元鼎四年秋馬生渥洼水中注南陽新野有暴利長當武帝時遭刑屯田敦煌鳳數於此水旁見羣野馬中有奇者與凡馬異來飲此水利長先

馬言
作土人持勒絆於水旁後馬既玩習之遂持勒
絆收得其馬獻之欲神異此馬云從水中出

簫稍

神異經大宛有良馬鬣至膝尾委於地名曰簫
稍謂尾之長者簫稍然搖動可起朔風

騮駒

郊祀志往用騮駒師古曰騮赤馬黑鬣尾也

龍友龍媒龍秋籥雲

漢書禮樂志龍爲友師古曰唯龍可爲之友耳
又曰天馬來龍之媒應劭曰言天馬者乃神龍
之類今天馬已來此龍必至之效也又曰飛龍
秋蘓林曰秋飛貌也師古曰莊子有秋駕之法
者亦言駕馬騰驤秋秋然也又曰籥浮雲蘓林
曰籥音躡言天馬上躡浮雲也

醴駟

食貨志自天子不能具醴駟師古曰醴不雜也

醜一作均

昆蹏

漢百官表昆蹏令丞應劭曰昆蹏好馬名也爾雅曰騏蹄趺善陞甌注甌山形似甌上大下小騏蹄蹄如趺而健上山秦時有騏蹄苑甌音銳

游騏

子虛賦射游騏張揖曰騏如馬一角不角者曰騏毛詩傳曰青黑曰騏騏蒼艾色一曰馬青驪

文如博基也

象龍

馮奉世傳宣帝時至大宛得名馬象龍而還師古曰言馬形似龍者

步景

洞冥記曰東方朔遊吉雲之地得神馬高九尺股有旋毛如日月之狀如月者夜光如日者晝光毛色隨四時之變西王母稅此于芝田因食

馬記
芝田之草東王公棄之清津因騎而返繞日三
入漢關馬上睡眠不覺而至名步景

齧鄰

王褒傳駕齧鄰孟康曰良馬低頭口至鄰故曰
齧鄰

鮑氏驄

漢鮑宣與子永孫昱俱為司隸皆乘驄馬歌曰
鮑氏驄三入司隸再入公

驪奚

前匈奴傳其奇畜則橐佗驪奚韻府曰駒駝驪
奚皆良馬也驪音顛

小步

西域傳西域小步馬孟康曰種小能步也師古
曰小細也細步言其能蹠足即今所謂百步千
跡也豈謂其小種乎

黃門四駿

西域贊蒲稍龍文魚目汗血之馬克於黃門注
孟康曰四駿馬名

大驪

光武以所乘大驪賜孝忠

中盧

後郡國志南郡中盧良馬注襄陽耆舊傳曰縣
西山中有一道漢時常有數百匹馬出其中馬
形皆小似巴滇馬

桓驄

後漢桓典爲御史是時宦者執政典無所迴避
常乘驄馬京師畏憚爲之詩曰行行且止避驄
馬御史

游龍

後漢書明德馬后過躍龍門上見外家起居者
車如流水馬如游龍

穢國果下

魏志曰穢國出果下馬漢時獻之高三尺

赤兔

曹操傳呂布有駿馬名赤兔常騎乘之時人爲之語曰人中有呂布馬中有赤兔

月題的顛白顛的盧白駒

皆白顛馬也韻注月題當顛如月形者莊子曰齊之以月題易曰其於馬也爲的顛詩曰有車鄰鄰有馬白顛一也俗曰戴星馬也馬政論曰

顛上有白毛謂之的盧又曰準上有旋毛及白毛者謂之的吻凶俗云的盧非也劉備避樊城之難過檀溪謂所乘馬的盧曰今日急不可不努力馬達備意一躍三丈又庾亮所乘馬名的盧殷浩以爲不利主勸市之亮曰豈有已之不利移之人者詩曰皎皎白駒在彼空谷

絕影

後漢書曹公所乘馬名絕影

白鶴

拾遺記曹洪與魏武所乘之馬名曰白鶴時人
諺曰憑空虛躍曹家白鶴

絕足

魏志文帝與孫權書曰國雖饒馬其知名絕足
亦時有耳

紫驊

魏志陳思王表文帝曰臣於武皇帝世得大宛

紫驊馬一匹教令習拜

驚帆

古今注曰曹真有馱馬名驚帆言其馳驟烈風
舉帆之疾也古飄字从馬从風真之名馬亦有
義焉

大宛馬

晉武帝泰始六年九月大宛獻汗血馬

神馬

馬已

馬記
晉孝武帝太元十四年寧州刺史費統言晉寧
郡滇池縣兩神馬一黑一白盤戲河水之上水
經注滇池中神馬家馬交之則生駿駒日行五
百里典畧曰神馬河水之精

揚武

晉安帝紀司馬休奔廣所乘騅馬奔而馳之後
還荊州加騅馬揚武之號

巴驥

竹林七賢論曰王戎好乘巴驥馬雖爲總三司
率爾私行

元馬

華陽國志會無縣有元馬河元馬日行千里死
於蜀今元馬冢是也縣有元馬祠家人牧山下
或產駿駒元馬子也

滇池神馬

華陽國志曰神馬四匹出滇池河中又南蠻傳

唐元和中王造爲益州太守政化尤異有神馬
四匹出滇池中

支遁神駿

世說曰支遁字道林常養馬人有譏之答曰愛
其神駿聊復畜耳故唐人詩曰櫪嘶支遁馬池
養右軍鶩

千里駒

晉載記符堅遣使西域於是大宛獻千里馬皆

汗血朱鬣五色鳳膺麟身堅命羣臣作止馬詩
而遣之高麗獻千里馬一又兖州獻千里馬一
半鬣去地九尺

督驛

晉王濟有馬與叔王湛乘之馬姿容旣妙回策
如縈湛曰此馬雖快力薄不堪遠行近見督驛
常騰平路無以別當蟻封內試之濟馬果躡而
督驛馬如常濟益嘆其異

赭白

載記慕容廆有駿馬曰赭白有奇相逸力雋比
之於鮑氏駮命銅鑄以圖其象親爲銘贊鐫勒
其旁置之薊城東掖門

天騏龍麟一丹髦

崔鴻春秋驍騎將軍呂光討西域人曰惟龜茲
據三十六國之中天騏龍麟腰裏丹髦萬計盈
廐

赤蛇

靈鬼志陳安爲河間王顥給使常乘一駿馬非
常後馬死雙赤蛇出其鼻

上黨澤馬

宋志魏王初中上黨得澤馬

乘輿赭白

文選宋元嘉二十二年上有乘輿赭白馬顏延
之作賦寶校星纏鏤章霞布歛聳擢以鴻驚時

漢畧而龍翥

大明舞馬

宋書曰宋大明五年吐谷渾拾寅遣使獻舞馬
謝莊賦曰舞大馭於國皂貫上襄於帝間雙壁
應範二封中圓

牛駿

宋書曰何偃乘在前劉瑀居後瑀謂偃曰君
何疾曰牛駿馭精故疾

龍驤

齊書齊太祖常乘所騎赤馬入殿及踐祚號此

馬為龍驤將軍

赤馬駒

梁武帝天監四年禊飲華光殿河南國獻赤龍
駒能拜伏善舞詔張率周興嗣為賦帝以為工

馬寶

文苑英華梁簡文馬寶頌詔示羣臣其文曰鸞

馬記
三
吟善鳴龍儀美稱

黃驄

魏志周裴果從軍征討乘黃驄馬衣青袍每先登陷陳時人謂之黃驄年少

閃電

魏志突厥大畏長孫總管見其馬稱為閃電王曰將軍威行域外遂名其馬為閃電一何壯哉

虎豹騎

魏志賈純所督虎豹騎皆天下驍銳正韻驍良馬武猛也又健也

青海驄

隋書吐谷渾有青海中有小山其俗至冬輒放牝馬於其上言其龍種嘗得波斯草馬放入海因生驄駒日行千里故世稱青海驄

師子驄

朝野僉載隋文帝時大宛獻千里馬其驄曳地

號曰師子驄惟郎將裴仁基能馭之朝發西京
暮至東洛隋後不知所在

七百里馬

唐史北齊平秦王有七百里馬爾朱榮以好婢
換取之

忽雷駁

唐秦叔寶所乘馬號忽雷駁常飲於酒每於月
中試能晉越三領里檀及胡公卒嘶鳴不食而

行雨青驄

李靖射獵山中宿一朱衣家夜半扣門急一婦
人謂靖曰此龍宮也天符命行雨二字皆不在
欲奉煩命取青驄馬一水瓶戒曰馬躩地嘶鳴
取水一滴馬躩上此一滴乃地三尺慎勿多也
既而雷製雲開下三十餘滴夜半水平地三尺

武德驟耳

武德元年十二月乙亥豐州總管張長懸獻驟

耳馬二匹

康國名馬

玉海武德七年康國王屈木支獻名馬注為大宛馬種形容極大會要武德中康國獻四千匹今官馬猶是其種

甘州異馬

玉海真觀二年甘州獻白馬朱鬣

十驥

唐書骨利幹遣使獻良馬十匹唐太宗為之制名號為十驥一曰騰霜白二曰皎雪驄三曰凝露驄四曰懸光驄五曰決波踰六曰飛霞驃七曰發電赤八曰流星騮九曰翔麟紫十曰奔虹赤乃序其事曰噴沫則千里非紅流汗則三條振血塵不及起影不及生回鶻傳骨利幹處海北近日出處也

飛騎

馬記

馬言
姜行本傳唐太宗選趨才乘六閑馬號飛騎

昭陵六馬

太宗平竇建德諸人及東都所乘六馬曰青驪
曰什伐赤曰特勒驃曰颯露赤曰拳毛騮曰白
蹄烏乃琢石爲象并贊刻昭陵金石錄有唐昭
陵六馬贊歐陽詢書殷仲容書降王名蘓東坡
詩維時六驥足績與英衛陪功成鏘八鸞玉輅
行天街荒涼昭陽闕古石理蒼苔

決波駒

酉陽雜俎曰決波書走歷門三限不躓太宗尤
惜之隋內庫有交臂玉猿二臂相貫如連環特
表其轡

拳毛騮師子花

唐太宗有拳毛騮杜甫觀曹將軍畫馬圖曰昔
日太宗拳毛騮近時郭家師子花今之新圖有
二馬復令識者久嘆嗟

獅子驄

唐太宗有駿馬名獅子驄極猛悍太宗親控御之不能馴則天時在側曰惟妾能制之太宗問其術曰始則箠以鐵鞭不服則擊以鐵撻又不服則以匕首斷其喉爾

黃驄驃

樂志唐太宗破竇建德乘馬名黃驄驃命樂工製黃驄疊曲宮商也

波斯馬

吐谷渾傳得波斯馬牧於海生驄駒日步千里

蹠馬

通典唐翔麟鳳苑廐蹠馬俯仰騰躍皆合節朝會用樂則兼奏之

吐谷渾駿

永徽二年閏八月吐谷渾獻駿馬命還之

玉面花驄

異聞錄唐寧王善畫馬花萼樓壁上有六馬滾
塵圖明王最愛玉面花驄風駿雲鬣悉備具
後失去止存五馬

河龍天駟

唐史開元皇帝既登大寶冰瑞感而河龍出星
精應而天駟下

涼州異馬

玉海開元二年涼州進朱驄尾白馬

太原異馬滑州龍子

唐開元十二年太原獻異馬駒其耳如筒左右
各十六肋肉尾無毛二十九年滑州刺史李邕
獻馬一匹肉鬣麟腮嘶不類馬聲日行三百里
名曰龍子

開元果下馬

開元十二年新羅獻果下馬二

紅玉紫玉平山凌雲飛香百花輦

天寶中大宛進汗血馬六匹紅紫青黃丁香桃花叱撥上乃改名紅玉紫玉平山凌雲飛香百花輦命圖於瑤光殿

龍支馬

天寶中皇甫惟明奏龍支縣人庫狄孝義有馬生龍駒身有鱗而不生毛時有慶雲五色覆馬上久而不散

唐舞馬

明皇雜錄曰玄宗教舞馬四百蹄分爲左右部有名稱曰某家驕其曲曰傾杯樂數十馬皆衣以錦繡絡以金鐸每樂作奮首鼓尾縱橫應節

赤驃

岑參赤驃歌曰君家紫驃畫不得一團俗風桃花色紅纓紫鞍珊瑚鞭玉鞍錦籠黃金勒

靈昌異馬

明皇時靈昌郡得異馬於河帝西幸入渭水化

爲龍泳去柳宗元圖注龍麟池尾拳毛環目肉
鬣居帝閑二十年

小領遠志

六曲張說爲隴右郡牧使領序別其種類則妍
蹄繁鬣小領遠志龍駉戎驥

九花蚪

伽藍記代宗時李懷仙貢名馬額高九尺毛拳
如鱗身被九花故號九花蚪帝以賜郭子儀曰

此馬高大稱卿儀質并紫玉鞭轡賜之

九馬毛龍

蘓子瞻曰薛紹彭家九馬圖曹將軍霸所繪杜
甫作詩拳毛師子二駿在焉贊曰姚宋廟堂李
郭兵治帝下毛龍以馭羣英

良馬

藝文志商州刺史呂述黠憂斯朝貢圖傳李德
裕序曰中寓旣安四夷來庭龍荒君長遣使獻

良馬二匹絕大漠而貢赤城涉流沙而霑赭汗

照夜白

杜甫畫馬圖歌曾觀先帝照夜白龍池十日飛

霹靂

天育驃騎

杜甫天育驃騎圖歌伊昔太僕張景順景牧攻

駒閱清峻遂令大奴守天育別養驥子憐神俊

胡騮

出鄆縣杜甫歌自矜胡騮奇絕代乘出千人萬

人愛

龍文

杜甫畫馬贊云韓幹畫馬毫端有神驂騮老大

腰裏清新魚目瘦腦龍文長身雪垂白肉風感

闌筋

寧遠馬

續博物志千里馬寧遠所獻髮拳紫色狀如八

駿乘者必衣裘冒絮似胡兒抱持初馳三十里
則皆旁側難馴又馭三十里外乃駛然而去唯
聞耳傍風聲如飛箭唐肅宗時令李泌乘之往
按保定早發扶風辰達保定申歸奏事

統倫馬

唐貞元中南詔獻

駛足

唐劉晏募駛足置驛欲知四方貨殖低昂

駱馬

東坡詩注白樂天去位錄家事無長物有駱馬
籍在長物中

三花鬣馬

白樂天詩馬鬣剪三花詩話唐御馬皆剪鬣三
花又有剪鬣五花者

玉花驄

萬花谷玉花驄唐德宗馬名杜甫詩先帝天馬

馬言
玉花驄畫工如山貌不同

望雲騅

國史補曰德宗幸梁唯御騅馬號曰望雲騅駕還飼以一品料暇日牽而視之必常鳴四顧若感恩之狀後老死飛龍廐中貴戚畫爲圖

吐珠馬

五行志太和九年易定馬飲水因吐珠一以獻

健馬

杜牧傳山東產健馬下者日馳二百里所以兵常當天下

飛電流雲

宋蘓軾題申生畫馬圖當時不獨玉花驄飛電流雲絕灑灑

岳湛

蘓軾題韓幹畫馬圖赭白紫騮俱絕比馬宋岳湛有妍姿

如意騮神智駿

杜陽雜編唐德宗二馬曰如意騮曰神智駿耳
中有毛引之一尺又謂之二絕舍人韓翃詩曰
晚日苑間散碧蹄金鞭欲下不成嘶咏此二馬
橐駝馬
回鶻傳骨利罕處海北地產良馬似橐駝筋絡
壯大日馳數千里

津梁種

李萬江于潞州牧津梁寺地美水草馬健如鴨
世號津梁種

黑馬

五代史黑訖支部地多黑馬善走其登山逐獸
下上飛歲獻以爲常

白額駒

郭贇謂李嵩曰君終當有國家有駒馬生白額
此其時也後果生白額駒嵩稱西涼公

馬言
黃騮

五代史漢王劉旻與周世宗戰北乘黃騮馳歸以金銀飾廐食以三品號自在將軍

叱撥綠宗騮

宋志凡馬羣號十七左右字至退字毛物九十一種叱撥青白紫純色及綠宗騮為上

龍駒

神符九年大名監產赤馬肉尾無鬣鬣是龍駒

玉逍遙

聞見錄仁宗御馬名玉逍遙色白乘之如輿輦也圍人云馬行步有尺度疾徐皆中節御者行速則以足欄之一日燕王借乘即常鳴不行王怒還之帝以配南城馬舖久之復御其行如初帝升遐從葬至陵下悲鳴不食而死

碧雲駮

聞見錄梅聖俞序曰碧雲駮者廐馬也莊憲太

馬言
后臨朝以賜荆王王惡其旋毛太后知之曰旋毛能害人耶吾不信留以備上閑遂爲御馬第一以其吻肉色碧如霞片故號之

元祐三馬

宋元祐初禽鬼章青宜結百官皆賀時西域貢馬首高八尺龍顛而鳳膺虎脊而豹章出東華門入天駟監振鬣長鳴萬馬皆瘖父老從觀以爲未始見也蘓軾請於李公麟畫三駿馬之狀

而使鬼章青宜結效之爲贊曰八尺龍神超遙若將西燕昆瑤帝念民乃下招籥歸雲逝房妖二馬者西域黃馬羗溫溪心良馬西番駿馬

肉驥馬

宋蘓軾云見秦州進馬項下重胡倒毛生肉端此肉驥也杜有詩肉驥硯礪連錢動

于闐花驄西河驄

黃山谷詩于闐花驄龍八尺看雲不受絡頭絲

西河驄作蒲萄錦雙瞳夾鏡耳卓錐

西蕃汗血馬

蔣之奇爲熙河帥西蕃有貢駿馬汗血者有司以非貢歲月留其馬于邊

好頭赤

蘇軾題李伯時畫御馬好頭赤歌豈如廐馬好頭赤立仗歸來臥斜日

出格馬

紹興七年五月廣右進出格馬千匹上留其一餘付殿前司上曰馬之良者不必西北

義驗

程史宋開禧間九江戍校王成見病驗收秣之尙寇李元礪犯龍泉成出戰死驗屹立不去悲鳴成側寇顧曰良馬取獻之元礪弟乘犯永新驗識我軍旗幟馳歸元弟就龔驗病傷不秣

小騅

馬記

七

程史金主亮小馳名小將軍常所御亮忽夜夢
騎應上帝召行覺雲霧勃鬱起馬蹄間下如海
濤洶湧既而見寤遣中侍至廐視小將軍喘汗
雨浹

六蹄

方洲雜錄西域馬段九成所記松雪翁所圖六
蹄此類也

飛越峯

一統志貴州養龍坑有靈物藏其下嘗春初夷
人立柳坑畔擇牝馬繫之已而雲霧晦冥類有
物與接其產必龍駒洪武四年于此獲正白色
馬爲獻首高九尺長丈餘不可控馭詔典牧者
囊沙使負行苑中乃馴時行夕月禮於清涼山
乘之如躡雲一塵不動賜名飛越峯且命繪形
藏焉學士宋濂爲贊

龍馬

馬記
明永樂庚子冬十月山東諸城縣民崔友諒以
龍馬來獻其色青蒼肉駿隱起背有奇文交互
錯綜若龍鱗然赤鬣肉尾麟臆鳳膺敷腴潤澤
狀甚奇異詢諸其民云所居之地有瀕潭海深
不可測時有神物蜿蜒雲霧之中隱見潭上家
有牝馬恒牧于茲忽一夕風雲驟作遂產此馬
若有神異撫呵光彩照耀上燭霄漢遠邇嗟異
咸曰此龍馬也宜聞于

朝以彰天庥爲千萬世太平之光

西域馬

方洲雜錄先朝西域貢馬高九尺頸與身等昂
舉若鳳景泰末西域進白馬高如之頸亦類焉
後足脛節間有二距毛中隱若鱗甲天順中復
見之御馬監坊河道上俱不受羈轡不知日行
幾何也

馬記下

駉龍赤駉白駉鐵驪

禮曰春駕蒼龍夏駕赤駉秋駕白駉冬駕鐵驪
爾雅翼曰駉赤馬黑鬣明堂月令五時駕馬而
駉處其二春蒼龍秋白駉冬鐵驪夏用赤駉中
央用黃駉中央寓于季夏故所用物同而以色
之淺深爲之別也爾雅曰白馬黑鬣駉禮記曰
夏后氏駉馬黑鬣廣雅曰白馬朱鬣駉今呼黃
馬尾一道通黑如界者爲駉蓋馬無分于黃白

皆謂之駉說文曰馬深黑色驪馬赤黑色鐵先
儒云取其馬色如鐵非特有取于色蓋亦取其
堅壯如鐵故曰鐵魏書曹公列鐵騎五千爲十
重障

南海駉

禮斗威儀曰君乘火而王者其政頌平則南海
輸以駉馬

國馬田馬

脚白後右足白驪左白鼻後左脚白也易曰震
爲鼻足驪馬白跨驕驪黑色跨髀間白州驪州
竅尾本白驥尾林白尾白駮俱尾毛白白達素
縣素鼻莖也俗所謂漫臚徹齒面頰皆白惟駮
上鼻音恕下鼻音住驢音情駮音奚翎音渠跨
音欺駮音狼驥音晏駮音忙

搗駮駮駮駮

爾雅曰驪白雜毛搗今之花駮也詩曰乘乘馬

乘乘黃乘乘搗黃白雜毛駮今之桃華馬陰白
雜毛駮陰淺黑今之泥駮詩曰我馬維駮蒼白
雜毛駮詩曰有駮有駮形白雜毛駮卽今之赭
白馬形赤

駮駮

白馬黑唇駮

駮魚

一目曰駮二目曰魚似魚目也詩曰有驪有魚

馬言
四
六駮茲白

爾雅翼曰六駮如馬白身黑尾一角鋸牙虎爪其音如鼓喜食虎豹蓋駮毛物既可觀又似馬故馬之色相類者以駮名之子虛賦曰楚王乃駕馴駮之駟西京賦曰六駮駿甚吳都賦曰驀六駮駕乘也驀上馬之名也一名茲白周書王會篇曰正北方義渠以茲白茲白者若白馬鋸牙食虎豹卽此物也古之名馬有曰六駮者曰

騶虞者曰騰黃者曰飛兔者曰麒麟者六駮者必其白身黑尾如獸之六駮者騶虞者必其白質黑文如獸之騶虞者也騰黃者必其縞身朱鬣如獸之騰黃者也飛兔者必其龐然而蒼者也麒麟者必其粹然而黃者也非馬之有六駮騶虞飛兔騰黃麒麟也乃馬之似六駮騶虞騰黃飛兔麒麟也駮音博

馬已
飛鴻野麋娥鹿騶吾走狐桃騾金喙

廣雅曰皆馬屬也

騊駼

黃白騊駼詩曰騊駼其馬駟馬黃脊騊駼馬黃脊
騊皆背脊毛黃

駟騊駼

青騊駼今之鐵騊也詩曰駟彼乘駟青騊駼騊駼
色有深淺斑駁隱騊今之連錢騊也青騊駼繁鬣
騊禮記曰周人黃馬繁鬣兩被毛或云美毛鬣

駟音萱騊音藺

匹練

家語顏回望吳門馬見一匹練孔子曰馬也馬
之光景長一匹耳

騊北馬

天文志騊之北土馬牧之所蕃庶故天苑之象
有焉

作馬冀

史記巴蜀沃野西近邛笮有笮馬旄毛

蜚鴻

東方朔傳騏驥綠耳蜚鴻華騮天下良馬也

捷為馬

蜀志馬鳴溪昔土人鄭氏牧溪上馬產龍駒四

蹄利爪朱駿頰尾高七尺振鬣長鳴躍于水故名

國馬天下馬

莊子曰吾相直者中繩曲者中鉤方者中矩圓

者中規是國馬也而未若天下馬也天下馬者

若亡若失若喪若一若是者超軼絕塵不知其

所

百八十歲

抱朴子曰韓子治嘗以地黃甘草哺五十歲馬

以生三駒又百三十歲乃死

騅龍玄駒裏驂

說文曰馬一歲曰鬮二歲曰駒三歲曰駘八歲

馬也

馬言
四六
曰馱高六尺曰驕七尺曰駉八尺曰龍爾雅翼
曰駉宜於牧故釋獸稱駉牝驪牝玄駒裹駉蓋
言以駉爲牝以驪爲牡而生玄駒則爲裹駉也
腰裹良馬名裹駉取名于此詩稱衛文公秉心
塞淵駉牝三千

紫鸞

文選將使紫鸞駢衛紫鸞駿馬名

飛燕天驪

張景陽七命駕紅陽之飛燕又曰天驪之態超
越逸羣

騏雄

劉琬馬賦曰吾有駿馬名曰騏雄龍頭鳥目麟
腹虎胸尾如雪聿耳如插筒

九龍

玉海景德中郡牧判官王叔晦上言九龍十驥
之名稱

駿馬天下之馬

相馬經曰前視見目旁視見腹後視見足駿馬也毛束皮皮束筋筋束肉肉束骨五者兼備天下之馬也

荏鐵

馬經驄馬之別七曰荏鐵

虎文馬

山海經一臂國有黃馬虎文一目而一耳

滑水馬

山海經曰滑水中多生馬而文臂牛毛其音如呼

驂馬

寰宇記電白海中出驂馬似馬而牛尾

頗梨馬

吐火羅國頗梨山南崖火中有神馬國人每牧牝馬于其側時產名駒皆汗血焉

銅父

地鏡圖曰銅父之精皆爲馬

龍孫

韻府續編青海之傍馬多龍種號龍孫

如龍

洞冥記須彌國有馬如龍騰雲逐日兩足倚行
藏形于空惟聞聲耳

小馬

洞冥記曰畢勒國有小馬如駒日行千里毛垂

至地東王公常騎此馬朝發陽池夕飲虞淵一
日一夕往返七八度亦良馬也長于空中自放
則風飛之或東或西

駟駿

異聞錄鮑生謂韋生曰春生獲駟駿數匹龍形
鳳頸兔脰鳧膺

紫叱撥

異聞錄韋生好乘駿馬游行四方鮑生以女妓

馬言
善四絃者換紫叱撥

雙春馬

一統志肇慶瀧水出果下馬駿者有雙春健而能行

西和龍馬金龍池馬瀘川龍馬峨眉池龍馬
嶓塚淵龍馬

一統志龍馬泉在西和縣每春夜牝馬飲泉自然懷駒初無毛色以氈裹之經數月生毛不三

歲與大宛馬同又金龍池在馬邑縣後魏時池有二龍化馬一驪一黃遇天陰晦輒出民間牝馬遇之生駒神駿或有角如鹿茸然又唐王昌遇落魄仙授以道術歸呼馬送之瞬息至家馬化爲龍入瀘川澤中又峨眉縣昔有一馬馳走如飛村民攫捕傷足投之池中一夕雷雨大作劈山而去又嶓塚有神馬山下有淵池神馬所生昔人嘗于此得馬頭高三尺


竹批

房兵曹胡馬詩云竹批雙耳峻風入四蹄輕舊說相馬者耳欲如劈竹睛欲如懸鈴此竹批之義也

蠙衣生劍記

說劍

古有刀劍錄載古今名劍未免脫漏隙搜其所未備者合為上下篇上篇皆据劍之寔者紀之下篇皆紀其寓言如莊生所謂天子劍諸侯劍



泰和郭子章輯

沈孚先校

陳詩教

校

之類是也

說劍上

畫影騰空

王子年拾遺記顓頊高陽氏有畫影騰空二劍若四方有兵此劍則飛赴指其方則克未用時在匣中常如龍虎嘯吟

葛盧

管子葛盧之山出金蚩尤制爲劍鎧矛戟

禹劍

刀劍錄夏禹字高密以庚戌八年鑄一劍長三尺九寸後藏之會稽秦望山腹上刻二十八宿文有背面面記星辰背記山水日月

指日

淮南子虞公與夏戰日欲落公以劍指之日退不落

少康

劍錄少康辛卯三年春鑄一銅劍上有八方
面長三尺一寸頭方

牛頭山鐵

刀劍錄孔甲甲辰歲採牛頭山鐵鑄一劍長四
尺一寸

含光承影宵練

列子曰魏黑卯以匿嫌殺丘邴章也邴章之子
來丹謀復父仇而丹氣甚猛形甚露又恥假力

於人誓以手劍黑卯而黑卯力撫百人其視來
丹猶縱轂也來丹謀於友申抱申抱曰吾聞衛
孔周其祖得殷三寶劍三童子服之却三軍之
衆奚不請爲來丹適衛見孔周執僕禮請先納
妻子後言所欲周曰吾有三劍惟子所擇一曰
含光視不可見運之不知其所觸泯然無際經
物而物不覺二曰承影昧爽之交日夕昏明之
際北面察之淡淡焉若有物存莫有其狀其觸

物也竊然有聲經物而物不見三曰宵練晝則見影而不見尤夜則見光而不見形其觸物騞然而過隨過隨合覺疾而不血刃此三寶傳三十三世矣而無施於事來卅請其下者孔周乃歸其妻跪而授其下劔卅再拜受之執劔從黑卯黑卯醉偃臥目頸至腰三斬黑卯黑卯醒怒其妻曰醉我使我嗑疾而腰急注匿嫌私恨也露羸音休伯反無施於事不能

害物也

越漚利

商書越漚請令利劔爲獻

定光

刀劔錄太甲以甲子歲鑄一劔文曰定光

照膽

刀劔錄武丁以戊子歲鑄一劔名曰照膽

伐鬼方

三輔皇圖漢太上皇微時佩一劍長三尺上有
銘字難識傳云殷高宗伐鬼方所作也

武王

大戴禮踐阼篇武王劍銘曰帶之以爲服動必
行德

周桃氏

考工記桃氏爲劍臘廣二寸有半寸兩從半之
以其臘廣爲之莖圍長倍之身長五其莖長重

九鏘謂之上制上士服之身長四其莖長重七
鏘謂之中制中士服之身長三其莖長重五鏘
謂之下制下士服之因人之材力強弱列爲三
等人各以形貌大小帶之注劍以止暴桃以辟
不祥類相似也故以桃氏爲劍上制長三尺中
制長二尺五寸下制謂今之匕首也長二尺士
謂勇力之士樂記所謂虎賁之士說劍

虞叔

左傳虞叔有玉虞公求獻之公又求其寶劍叔
曰是無厭也無厭將及我遂伐虞公

周王

刀劍錄周昭王瑕鑄五劍以投五嶽

昆吾切玉

列子周穆王得昆吾劍切玉如泥河圖曰瀛洲
多積石名昆吾可爲劍尸子曰昆吾之劍可切
玉龍魚河圖曰氐洲在西海中上有昆吾石其

石爲鐵作劍光明四照梁吳均寶劍詩曰我有
一寶劍出自昆吾溪照人如照水切玉如切泥
王子喬飛天

世說王子喬墓在金陵戰國時人有盜發之者
都無所見惟有一劍停在空中欲進取之劍作
龍吟虎吼飛上天

弄

列子曰蘭子以技于宋君弄七劍迭而躍之五

劍常在空中立賜以金帛

斬龍

翰墨全書澹臺滅明齋璧渡江乃拔劍斬龍

于越

莊子刻意篇夫有于越之劍者匣而藏之不敢用寶之至也注于溪越山出名劍呂氏春秋荆茲非得寶劍於于越

葱闕錄于將莫邪鉅闕辟閭

荀子桓公之葱太公之闕文王之錄莊君之辟閭闔閭之于將莫邪鉅闕此皆古之良劍也注齊桓公齊太公周文王楚莊王之劍名皆未詳所出葱青色也錄與綠同三劍以色爲名曹植七啓說劍云雕以翠錄亦其類也葱劍光采恍忽難視以形爲名也闕未詳或曰劍至利則喜闕因以爲名吳越春秋于將作劍未成乃曰昔吾師之作冶也金鐵之穎不消夫妻俱入冶爐

劍譜
之中莫邪曰先師親身鑠以成物妾何難也於是于將夫妻斷髮剪爪投之爐中使童女童男三百人鼓橐裝炭金鐵乃濡遂以成劍陽曰于將而作龜文陰曰莫邪而作縵理世語于將吳人莫邪于將之妻也楚王夫人嘗於夏納涼而抱鐵柱心有所感遂懷孕產一鐵楚王命莫邪鑄爲雙劍三年乃成一雌一雄莫邪留雄以雌進楚王劍在匣中嘗自悲鳴王問羣臣對曰劍

有雌雄鳴者雌憶其雄王怒收莫邪殺之又吳越春秋曰于將作劍採五山之鐵精合六合之金英候天伺地陰陽同光子虛賦建于將之雄戟注于將王帥劍也王褒頌及至巧冶鑄于將之樸清水淬其鋒越砥歛其鋸水斷蛟龍陸剗犀革忽若篲紀塵塗新序云辟閭鉅闕天下之良劍也或曰辟閭卽湛盧也言湛然如水而黑色

孟勞

博物志魯寶劍名鼓梁傳公子友謂莒擘曰吾二人不相說士卒何罪屏左右而相博左右曰孟勞公子友以殺之

齊王

一統志齊王有寶劍磨于長興晏子鄉其水鐵赤似鐵汁

美金

國語曰齊桓公問管仲曰齊國寡甲兵奈何對曰小罪謫以金美金以鐵劍戟試諸狗馬惡金以鐵鋤夷試諸土壤甲兵大足

龍淵太阿工市

越絕書楚王作三劍曰龍淵太阿工市晉鄭求之不得興師圍楚二年不解楚王引太阿之劍登城麾之三軍破敗士卒迷惑流血千里猛獸歐膽江水折揚晉鄭之頭盡白又云楚王使風

胡子求于將歐冶子作劍三枚二人鑿其山洩其藻取鐵文選張協七命曰楚之陽劍歐冶所營邪溪之銑赤山之精乃鍊乃鑠萬辟千灌豐隆奮椎飛廉扇炭張太阿劍銘曰太阿之劍世載其美淬以清波歛以越砥

季札

史記吳季札聘魯過徐徐君好札劍口不敢言札心知之爲使上國未獻還至徐徐君時已死

札解劍掛徐君墓上而曰始吾以心許之豈以死背吾心哉

吳鈎

吳越春秋吳王闔閭令國中作金鈎曰善者賞百金有人殺其二子以血釁金成二鈎以獻向鈎呼二子之名曰吳鴻扈稽我在於此兩鈎俱飛着父胸乃賞百金遂服而不離身杜詩少年別有贈含笑看吳鈎

鐵膽

拾遺記昆吾山有獸如兔食銅鐵吳國武庫中
兵刃皆盡忽見雙兔殺之有鐵膽腎方知兵刃
爲兔所食乃鑄鐵膽爲二

北斗

撮書伍胥奔吳追者在後至江上有一漁父乘
船知伍胥之急乃渡之胥既渡解劍直百金與
父父曰楚國之法得伍胥者爵執珪豈徒百金

劍耶不受一笑刺船而去吳越春秋伍子胥過
解劍與漁父曰此劍中有北斗七星文其直百
金

屬鏤

左傳吳將伐齊越子率其衆以朝吳人皆喜唯
子胥懼曰是參吳也王怒使賜之屬鏤以死注
屬鏤劍也古賦斷跡屬鏤

奄日斷水轉魄驚蜺懸剪滅魂却邪真剛

拾遺記越王勾踐以白牛白馬祝昆吾山神以
成八劍應八方之氣一曰奄日以之指日日光
晝暗二曰斷水晝水開卽不合三曰轉魄指月
蟾兔爲之倒轉四曰懸剪飛鳥觸其刃如斬截
焉五曰驚蜺以之沈海鯨鯢深入六曰滅魂挾
以夜行不遇魑魅七曰却邪妖魅見之則止八
曰真剛切玉斷金如切土水

純鈎湛盧毫曹魚腸鉅闕

吳越春秋越王允常聘歐冶子作名劍五枚一
曰純鈎二曰湛盧三曰豪曹四曰魚腸五曰鉅
闕王以豪曹示薛燭燭曰夫寶劍五色並見豪
曹黯無華殞其光芒其神亡矣示之巨闕薛燭
曰非寶劍也夫寶劍金錫和同氣如雲烟今見
其光已離矣示之魚腸燭曰金精從理至本不
逆魚腸倒本從末逆理之劍也示之純鈎燭矍
然曰光乎如屈陽之華沈沈如芙蓉始生於湖

其文如列星之行其光如水之溢塘此純鈎也
王曰客有以鄉三十駿馬千匹萬戶之都二價
此劍可乎燭曰不可臣聞初造此劍赤董之山
破而出錫若耶之溪涸而出銅雨師灑道雷公
發鼓天帝裝炭太乙下觀示之湛盧燭曰善哉
合金鐵之英吐銀錫之精可以折衝伐敵人君
有逆謀則去之他國允常以湛盧獻吳吳公子
弒王僚湛盧去如楚昭王寤而得之召風胡子

問之此劍直幾何對曰赤董之山已合若耶之
溪深而不測羣神上天歐冶已死雖傾城量金
珠玉滿河不借一觀况駿馬萬戶之都乎越絕
書闔閭無道湛盧之劍去之入水行奏楚秦王
求之卒不與也客志閩中有山名湛盧疑此山
之鐵鑄劍以爲名也張景陽七命曰或馳名傾
秦或夜飛去吳又越絕書闔閭冢葬以磐郢魚
腸之劍葬之日白虎居上號曰虎丘

白猿

劍俠傳越王問范蠡手劍之術蠡曰臣聞趙有處女國人稱之王乃請女道逢老人自稱袁公問女曰聞女善爲劍願得一觀之女曰惟公所試公挽林竹刺女女因杖擊之公飛上樹化爲白猿李白少年場行少年學劍術凌轢白猿公

步光

史記子貢傳越使大夫種言於吳王曰奉先人

藏器甲二十領鐵屈盧之矛步光之劍以賀軍吏吳王大說越王送子貢金百鎰劍一良矛二子貢不受越絕書越王被棠夷之甲步光之劍以見孔子曹子建七啓步光之劍華藻繁縟

莒子

左傳曰莒子庚輿虐而好劍苟鑄劍必試諸人大夫烏存帥國人以逐之

秦昆吾

孔叢子曰秦王得西戎利刀割玉如割木以示
東方諸國魏王問子順曰古有之乎對曰周穆
王征西戎西戎獻昆吾之劍長尺有咫鍊鋼赤
刀用之切玉如切泥是則古亦有之也列子湯
問釋文昆吾龍劍也

水心

玉海秦昭王以三月置酒河曲見金人奉水心
之劍曰令君制有西夏乃霸諸侯因此立為水

曲水

楚

史記秦昭王臨朝歎息范雎請罪王曰吾聞楚
之鐵劍利而倡優拙鐵劍利則士勇倡優拙則
慮遠以遠慮御勇士恐楚之圖秦也

鹿盧

史記荆軻左把秦王之袖右搵其胸玉乞聽琴
死召姬人鼓琴琴聲曰羅縠單衣可裂而絕八
尺屏風可超而越鹿盧之劍可負而拔王奮袖

而去

棠谿墨陽合罇鄧師宛馮龍淵太阿莫邪
干將

史記蘓秦曰韓卒之劍戟皆出於冥山棠谿墨
陽合罇鄧師宛馮龍淵太阿皆陸斷牛馬水截
鵠索隱天下之寶劍韓爲衆八曰莫邪九曰干
將其劍皆出西平縣今有鐵官

刺劍

史託魯句踐聞荆軻之刺秦王私曰嗟乎惜哉
其不講於刺劍之術也

斬蛟

宣紀應募飲飛射士羽林孤兒呂氏春秋荆有
茲非得寶劍於干將渡江中流兩蛟繞舟茲非
拔劍赴江刺殺之荆王聞仕以執圭後世以爲
勇士之官

孟嘗君

沈約爲東宮謝賜孟嘗君劍啓曰田文重氣狗
名四豪莫及寶劍雄身故能威陵秦楚人高事
遠遺物足奇謹加玩服以深存古也

蒯緤

萬花谷馮驩居孟嘗君傅舍驩彈寶劍而歌曰
長鋏歸來乎注蒯弟子類緤把劍之處無物可
裝以蒯爲小繩以纏之

吾干

王剪傳趙奢曰夫吾干之劍肉試則斷牛馬金
試則截盤匝薄之柱上而擊之則絕爲三質之
柱上而擊之則碎爲百

斬蛇三尺靈金藏赤霄七尺寶

漢紀高祖被酒夜經澤中行前者還報曰前有
大蛇當徑願還高祖醉曰壯士行何畏乃前拔
劍斬蛇蛇分兩道開行數里後有人至蛇所一
老嫗夜哭人問何哭嫗曰吾子白帝子也化爲

蛇當道今爲赤帝子斬之嫗忽不見後人告高祖高祖心喜自負及爲沛公祠黃帝祭蚩尤於沛庭而釁鼓旗幟皆赤由所殺白帝子者赤帝子也上曰吾以布衣提三尺取天下非天命乎徐寅斬蛇劍賦龍舌三尺霆飛半尋磨霜礪雪神母夜號以章赤帝之符爰茲發迹斬蛇奮旅神母告符朱旗乃舉三輔黃圖太上皇游豐沛山中寓居窮巷有人冶鑄上皇息其旁問曰鑄

何器工笑曰爲天子鑄劍謹勿言曰得公佩刀雜冶之卽成神器可克定天下昴星精爲輔佐木衰火盛此爲異兆上皇解匕首投爐劍成殺三牲以釁祭之工問何時得此上皇曰昭襄王時余行陌上一野人授余云是殷時靈物工卽持劍授上皇上皇以賜高祖高祖佩之斬白蛇是也及定天下藏於寶庫見白氣如雲出戶外狀如龍蛇呂后改庫曰靈金藏惠帝卽位以此

庫貯禁兵器名曰靈金內府晉惠帝元康三年
武庫火燒孔子履高祖斬蛇劍咸見其穿屋飛
去莫知所向西京雜記漢高祖斬蛇劍以七彩
珠九華玉爲飾五色琉璃爲匣刃上常如霜雪
光景照外開囊拔鞘輒有風聲射人刀劍錄劉
季以始皇三十四年於南山得一劍長三尺小
篆書銘曰赤霄及貴帝服之此卽斬蛇劍也續
漢書漢西京法駕出則侍中多說者一人負傳

國璽操斬蛇劍參乘文選注漢禮儀志曰皇太
子卽位中黃門以斬蛇寶劍授古今注高祖及
貴別得七尺寶劍長楊賦高祖順斗極運天關
提劍而叱之柱篤賦斬白蛇屯黑雲提干將而
呵暴秦班固泗水亭銘靈金耀楚

項莊

漢書沛公自霸上從百餘騎見羽於鴻門羽因
留沛公范增數目羽擊沛公羽不應增出請項

莊曰君王爲人不忍汝入以劍舞擊沛公殺之
莊入爲壽曰軍中無以爲樂請以劍舞因拔劍
起舞項伯亦起舞常以身蔽高祖乃獲免

陵母

漢王定三秦沛人王陵以兵屬漢項王取陵母
置軍中以召陵陵母語使者曰願爲妾語陵善
事漢王漢王長者毋以妾故持二心遂伏劍死

韓信

刀劍錄赤烏中有人得韓信劍帝賜周瑜

神龜

刀劍錄文帝以初元十九年庚子鑄三劍各長
三尺三寸銘曰神龜多刻龜形以應大橫之兆
文帝以韋帶劍兵本無刃

衛綰六

衛綰以戲車爲郎遷中郎將孝景賜之劍綰曰
先帝賜臣劍凡六不敢奉詔上曰劍人所施易

獨至今乎綰曰具在上使取六劍劍尚盛未嘗服也○施讀曰馳易換之也

新羅

閩世家新羅遣使聘使以寶劍王延曦曰此將何爲相王倓曰不忠不孝者斬之曦色變曦卽立倓死發塚僂其尸

刺山

漢書李廣利爲二師將軍征大宛軍中無水乃

拔劍刺山飛泉湧出

千金萬歲百金

西京雜記昭帝時茂陵家人獻寶劍上曰直千金壽萬歲陸賈常乘安車從歌鼓瑟侍者十人寶劍直百金建武十三年異國獻名馬又進寶劍直百金賜騎士

宣帝

漢書宣帝旣立公卿議立后未有所言上乃詔

求微時故劍大臣知其指自立許后

南越王

一統志南越王佗藏神劍於梧州火山每深夜騰焰如火每三五夜一見時如野燒之狀

未央

郊祀志神爵元年爲寶劍立祠未央

漢玉具櫛具駁犀具

匈奴傳甘露三年正月呼韓邪單于朝賜玉具

劍注標首鐔衛盡用玉爲之王莽傳進玉具寶劍後匈奴傳永元四年正月北匈奴乞降賜玉具劍羽蓋車一駟又東觀書漢安二年立單于兜樓儲天子臨軒賜玉具刀劍禮儀志皇太子卽位中黃門掌兵以玉具劍隋侯珠斬蛇劍授史記有詔擇衛將軍舍人以爲卽令具鞍馬絳衣玉具說苑徑侯適魏左帶羽玉具劍右帶環佩襄城君帶玉劍雋不疑傳冠進賢冠帶櫛具

劍佩環玦謁暴勝之門下欲使解劍不疑曰劍者君子武備所以衛身不可解注應劭曰標首之劍晉灼曰古長劍首以玉作井鹿盧形上刻木作山形如蓮花初生未敷時今大劍木首其狀似此應奉傳注延熹中詔曰以奉昔守南土威名播越賜駁犀方具劍金錯把刀劍革帶各一奉其勉之傳安帝賜馮石駁具劍佩刀紫艾綬玉玦各一

上方

韓延壽為東都欽官銅物候月蝕鑄作刀劍鈞鐔放效上方

平帝

刀劍錄漢平帝術掘得一劍上有帝名故佩之

斬馬

朱雲傳願賜尚方斬馬劍注師古曰尚方少府屬官作供御器物故有斬馬劍後匈奴傳建武

二十八八年匈奴貢馬裘賜斬馬劍一

秀霸

刀劍錄光武未貴時在南陽鄂水中得一劍文曰秀霸小篆書帝服之

漢寶

續韻府編光武時有獻千里馬及寶劍劍賜騎士馬駕鼓車

祕

彭寵傳朱浮對光武曰前吳漢發兵時大王遺寵以所祕劍蔡倫傳倫為尚方令永元九年監作祕劍光芒非常及諸器械無不精工堅密為後世法

乘輿具

馮異傳建武二年赤眉延岑暴亂三輔以異為征西將軍討之車駕送至河南賜以乘輿七尺具劍

龍淵漢文椎成

韓稜傳稜爲尚書令與僕射郅壽尚書陳寵同時俱以才稱肅宗賞賜諸尚書劍惟此三人持以寶劍自手署其名曰韓稜楚龍淵郅壽蜀漢文陳寵濟南椎成時論着爲之說以稜淵深有謀故得龍淵壽明達有文章故得漢文寵端朴善不外見故得椎成注楚西平縣有龍泉水淬刀劍特堅利椎成漢官儀作鍛成

海南

漢書汝南陳茂嘗爲交趾別駕刺史周敞涉海遇風船欲覆茂拔劍呵罵水神風卽息

仲叔遺

後漢書吳郡張業字仲叔爲郡門下掾隨太守至河內遇賊業拔劍戰死于武時幼後每持所遺劍悲哀感動路人

漢佩玉頭

晉志漢制自天子至百官無不佩劍其後惟朝帶劍晉世代之以木貴者猶用玉首張敞東宮舊事曰太子儀飾有玉頭劍春秋繁露劍在左刀在右劍之在左青龍象也

鎮山

刀劍錄蜀後主禪造一大劍長一丈二尺以鎮劍口山

旌陽第三

廣異記唐武勝之知靜江忽見灘上雷公踐雲逐小黃蛇使人視之得一銅劍有文曰許旌陽斬蛟劍

帶槐

周斐先賢傳曰許加給縣功曹儀小吏常持劍侍功曹月朔晨朝并持炬火加於是忿然歎曰男兒爲吏不免賤役卽投火於地以劍帶槐樹趨謁府門

化龍

張華傳初吳之未滅斗牛之間常有紫氣吳平之後紫氣愈明豫章雷煥曰寶劍之精上徹於天華曰有相者言吾年出六十位登三事當得寶劍佩之斯言豈效歟因問在何郡煥曰在豫章豐城卽補煥豐城令煥到縣掘獄基入地四尺餘得一石函光氣非常中有雙劍並刻題一曰龍泉二曰太阿其夕斗牛之間不覆見焉送

一劍與華留一自佩後華誅失劍所在煥卒子華持劍經延平津忽於腰間躍出墮水投水求之但見兩龍各長數丈光彩照水波浪驚沸張協太阿劍銘淬以清波歛以越砥如玉斯耀若影在水不運自肅率土同軌豐城寶劍賦異金陵之浮王氣同寶鼎之在汾洲張協七命云形震薛燭光駭風胡賈執三鄉聲貴二都

晉銅

晉書太康二年汲郡冢中得銅劍一長三尺五寸山海經汲郡冢中得銅劍一長三尺五寸

晉斑

晉書會稽王給斑劍二朝史志斑劍亦曰象劍取裝飾斑蘭之義鞘以黃質紫斑文金銅飾紫條粉錯

斬蛟

鄧遐字應遠勇力絕人仕晉守襄陽沔水有蛟

害人遐入水揮劍斬蛟數段時號爲名將

晉賜

晉書張軌鎮涼州遣主簿令狐亞聘南陽王模甚悅遺軌以帝所賜劍謂軌曰隴以西征伐斷割悉心相委如此劍矣

藺真人卓劍

一統志晉藺真人卓劍在浮梁縣

神劍

晉書前趙劉曜自以形質異衆恐不容於俗隱迹管涔山以琴書爲事常夜居有二童子入疏曰管涔王使臣奉謁趙皇帝獻劍一口而去以燭視之劍長二丈光澤非常赤玉爲飾背上有銘云神劍能除衆毒曜佩之隨往往人見光輝後人求之不獲

白虹紫電辟邪流星青冥百里

古今注吳大帝有寶劍六白虹紫電辟邪流星

青冥百里吳都賦家有鶴膝戶有犀渠

萬仞

西晉宋有旌陽令許遜者得道於豫章西山江中有蛟爲患旌陽沒水投劍斬之後不知所在頃漁人網得一石匣鳴擊之聲聞數十里唐朝道王爲洪州刺史破之得劍一雙視其銘一有許旌陽字一有萬仞字遂有萬力師出焉出朝野僉載

孟德

刀劍錄魏武帝嘗於谷中得一劍有金字銘曰孟德王常服之

飛景流采華鋌

典論曰建安二十四年魏太子丕造百辟寶劍長四尺二寸重一斤十有五兩淬以清漳厲以礪磻飭以文玉表以通犀光似流星名曰飛星又曰選茲良金命彼國工精而鍊之至於百辟

以爲三劍一曰飛景二曰流采三曰華鋌俱長四尺二寸亢倉子曰蜚景之劍威奪白日氣成紫蜺注流采色似綵虹

楊脩

文士傳楊脩以寶劍與魏文帝帝佩之曰此楊脩之也

魏寶

曹植有寶劍自銘曰造茲寶劍旣襲旣礪匪以

尚武子身是衛麟角匪觸鸞距匪蹶○四時而
變爲五色

高昌銅

梁紀天監五年四月丙申廬陵高昌之仁山獲
銅劍二

墮地

南漢世家劉龔儼生于外舍嫡母怒拔劍欲殺
之及見劍忽墮地乃曰此非常兒也因養爲已

子身長七尺手過膝後卽帝位號大漢

梁神

梁武帝命陶弘景造神劍十三以象閏月水經
注梁國多池沼時池中出神劍至今其民像而
作之號大梁氏之劍

方諸

梁簡文帝謝敕賚方諸劍啓曰已匹丹陵之輝
乍比青雲之制寒暑兼華左右相照

齊銅

書目江淹銅劍讚一卷齊永明中有人得銅劍淹序而讚之

鎮山沈水

刀劍錄後魏道武鑄二劍一名鎮山一名沈水善勝寶勝

梁陶真白隱居具都山中常畜二刀一名善勝一名寶勝往往飛去人望之如二條青蛇本傳

具載芝田錄

化形

魏志魏夫人名華晉司徒舒之女夫亡遂上臨川西設壇修道年八十三不飲食以成仙咸和甲子託劍化形去

龍雀

刀劍錄赫連百鍊爲龍雀大鐙號曰大夏龍雀銘其背曰古之利器吳楚湛盧大夏龍雀名冠

神都可以懷遠可以柔邇如風靡草咸服九區
唐千金

劍俠傳唐晉公王鐸有千金劍以獲李龜壽

唐班

太宗紀武德四年加號天策上將賜交冕金輅
雙璧黃金六十斤前後鼓吹九都之樂班劍四
十人

力士

一統志蜀五丁力士遺寶劍隱于梓潼路隅化
爲泉杜如晦詩五丁彈鋏氣如虹斫破蒼崖萬
仞峯寶匣信難留異物寒泉終見表遺踪

逐蠅

武王思性急方書有蠅飛在筆端去復來思怒
投筆拔劍逐之

祖宅

唐乾封中有人於鎮州東野外見二白兔捕之

忽卽入地絕跡不見乃於入處掘地纔三尺許
獲銅劍一雙古制殊妙于時長史張祖宅以聞
奏出太平廣記

青龍

唐開元中河西騎將宋青春驍果暴戾爲衆所
忌及西戎歲犯邊青春每陣常運劍大呼執馘
而旋未嘗中鋒鏑西戎憚之一軍始賴焉後吐
蕃入寇獲生口數千軍帥令譯問衣大虫皮者

爾何不能害答曰嘗見青龍突陣而來兵刃所
及若叩銅鐵謂爲神助將軍也青春乃知劍之
靈青春死後劍爲瓜州刺史李廣琛所得或風
雨後送光出室環燭方丈哥舒翰知之求易以
他寶廣琛不與因贈詩曰刻舟尋已化彈鋏未
酬恩出西陽雜俎

符戴

唐符戴文學武藝雙全常畜一劍神光照夜爲

劍記
畫客遊至淮浙遇巨商舟艦遭蛟作梗擲劍一
揮血洒如雨舟舸安流而逝後遇寒食於人家
食鹿脯刀鈍不可乃以劍斷之訖其劍無光若
頑鐵無所用古人云千鈞之弩不爲鼯鼠發機
其此劍之謂乎出芝田錄

雲達

唐鄭雲達少時得一劍鱗缺星罅有時而吼常
莊居時橫膝玩之忽有一人從庭樹率一然而

下紫衣朱髮露劍而立黑氣周身狀如重露鄭
素有膽氣佯若不見其人因言我上界人知公
有異劍願借一觀鄭謂曰此凡鐵耳君旣居上
界豈藉此乎其人求之不已鄭伺便卽疾起斫
之不中剗墜黑氣着地數日方散出西陽雜俎

張存

唐段成式其友人溫介云大曆中高郵百姓張
存以踏籍爲業常於彼中見旱藕稍大如臂遂

併力掘之深二丈大至合抱以不可窮乃斷之
中得一劍長二尺色青無刃存不之寶邑人有
知者以十束薪獲焉其藕無絲出酉陽雜俎

張旻

張旻爲將軍請吳道子畫天宮寺吳請旻舞劍
作氣以助揮毫旻舞一曲道子奮筆立成如有
神助

西河

本記唐張旭嘗見公孫大娘舞西河劍而得其
神自此草書長進杜昔有佳人公孫氏一舞劍
器動四方

浪劍

會要云樂浪人劍舊紀貞元十年九月辛卯南
詔獻鐸槊浪人劍南詔傳異牟尋獻鐸鞘浪劍
斨刃注浪人所鑄故亦名浪劍王所佩者傳七
世矣

火精

唐德宗時幸奉天自携火精劍出內殿斫檻上鐵狻猊應手而碎及乘輿遇夜侍從皆見上仗數尺光明卽劍光也

樊夫人飛劍

傳奇唐貞元中有湘媪嘗以丹篆救疾一日謂鄉人曰往洞庭救數百人性命至洞庭前一日有大風濤碎一巨舟居上所載百餘人居島上

有一白龜遊沙上人殺食之明日有城如雪圍島其城漸窄狹束其人爲族其間不廣數尺岳陽人亦遙望雪城莫能曉也媪至岸飛劍刺之白城一聲如霹靂遂崩乃一大鼉長千丈蜿蜒而斃後有一道士識湘媪乃劉綱妻樊夫人也

平蔡寶

李愬傳愬帥魏博長慶元年八月以玉帶寶劍遺牛元翼曰此劍吾先人以搆大盜吾又以平

蔡翼帶之軍中

白虹

翰墨全書潘辰自稱野客善劍術海州刺史鄭匡國求學焉辰乃探懷出二錫丸俄出劍悉如白虹旋遶匡國頭上有聲錚然匡國懼汗下如雨辰乃收

疥癆賓

萬花谷顧彥輝為東川節度會諸將所以佩劍

號疥癆賓使侍左右曰生死同之違者先齒

解形

陸龜蒙悼鶴忽伴仲仙劍解形葛洪云陰君受鮑靚尸解之法後死埋于石子岡有人發其棺見一大刀冢左右有人馬之聲遂不敢取

此劍解也

神術寶

劍俠傳唐聶大將鋒之女為尼偷去石穴中五年與藥一粒兼令執寶劍一口長一二尺許鋒

利吹毛可斷一年後刺猿猴虎豹鷹無不中劍
之身漸減五寸受以羊角七首廣三寸遂白日
刺其人於都市中人莫能見以首入囊返命則
以藥化之如水

蘭陵老人

劍俠傳唐京尹黎幹訣杖蘭陵老人往謝過老
人出朱囊盛長劍七口舞于中庭橫若掣帛旋
若燄火有短劍二尺餘時時及黎之鬚食頃擲

劍于地如北斗狀黎歸臨鏡方覺鬚剃落寸餘
翌日復往室已空矣

七星

劍俠傳唐魏博節度使田承嗣大募勇武欲併
潞州潞州節度使薛嵩患之內記室紅線請爲
伐其謀線有異術夜至田寢帳內見枕前露七
星劍前仰開一金合內書生身甲子與北斗神
名線持金合以歸田知而異謀不復蓄矣

凌空

劍俠傳蜀許寂棲四明山中忽有夫婦者詣山以壺觴酌許夫談劍術俄自臂間推出二物展而喝之卽二口劍也躍起在寂頭上盤旋交擊寂甚懼尋而匣之飲畢就寢及旦乃空榻也後于瀉山林下遇一僧于指甲下抽出二劍跳躍凌空而去

僧俠

劍俠傳唐士人韋氏移家汝州路逢一僧連鑣因邀入蘭若行十餘里不至韋疑之懷銅丸凡五發僧捫中處韋無可奈何至莊野僧呼子飛飛出授韋一劍乞郎君盡藝殺之韋運劍逐飛飛竟不能傷僧悵顧飛飛曰郎君證成汝爲賊也終夜與韋論劍而別

石穴

一統志鍾離巖在荊州府城西南境巴蠻五姓

俱事鬼神未有君長共擲劍石穴約能中者奉
以爲君巴務相中之衆皆服

洞賓

列仙傳呂洞賓河東人兩舉進士不第去遊廬
山遇異人得長生訣喜佩劍勝宗諒贈以詩曰
華州回道士來到岳陽城別我遊何處秋空一
劍橫

飛潭

一統志袁州府城西舊傳唐王將軍潭石上忽
劍飛入潭今石上劍痕尚存

封龍

一統志唐郭元振遊學于元氏縣封龍山見一
石中裂出五色雲氣因得寶劍自爲歌精光黯
黯青蛇色文章片片綠龜鱗非直結交遊俠子
亦曾親近英雄人

斫石

一統志昔蒙細奴邏與張樂進求迺相讓位細奴邏拔劍斫盟石曰如我當爲劍入此石遂入三寸形如鋸焉

芝煙

玉塵集成都朱善存家世寶一劍每生神芝則天下晏清如安史黃巢難作皆生黑烟上屬於天以此卜治亂不差毫髮

末帝寶

五代梁貞明元年末帝德妃薨將葬康王友孜使刺客夜入寢中末帝方寐夢人害已旣寤聞榻上寶劍鎗然有聲躍起抽劍曰將有變耶乃索寢中得刺客手殺之遂誅友孜

景德御

景德二年正月丙寅遣內殿崇班楊保用往河北諸州取所頒御劍先是給諸路令得便宜行事仁宗出御劍二授陝西總管夏守斌知延州

范雍戒以臨陣之用

韓忠武

宋韓琦以劍插彰德西水治村地後拔劍泉隨湧出

紹興寶

紹興六年二月四日右相都督張浚言御前降西蕃寶劍十二內庫細甲二十良弓五十給賜有功將士請分賜以爲激勸

仙姑

劍俠傳姜寺丞出遊神祠睹捧印女子有感志焉戲解屐繫臂爲定後一女子往姜啓有嘉約遂留姜婦接歡如姊妹女事姑甚謹族黨以仙姑稱之忽一道士來姜曰吾與此女皆劍仙

騰空

劍俠傳角巾道人脫郭倫於惡少窘辱郭邀飲爲謝辭去曰吾乃劍俠非世人也擲杯長揖出

門數步耳中鏗然有聲一劍躍出墜地躡之騰
空而去

二古銅

東坡集宋郭祥正遺古銅劍二于東坡坡詩以
爲謝一雙銅劍秋水光兩首新詩爭劍芒劍在
床頭詩在手不知誰作蛟龍吼又以銅劍易張
幾仲石硯詩我家銅劍如赤蛇再以劍歸張詩
贈君長缺君當歌每食無魚嘆委蛇一朝得見

暴公子櫛具欲與冠爭峨豈比杜陵貧病瘦終
日長鏡隨短簑斬蛟刺虎老無力帶牛佩犢吏
所呵

垂崖

劍俠傳張垂崖公與祝隱居交厚垂崖句隱居
東垣合拱棗許之徐探手袖間飛一短劍約平
八肩斷棗爲二曰我往受此術於陳希夷而未
嘗爲人言也

李八百仙

一統志仙人李八百淬劍于瑞州治後園中池有白蓮宋黃庭堅賦所謂製劍池之齒蒼以爲裳者是也

武昌銅

宋供奉官鄭文嘗官于武昌江岸裂出古銅劍文得之冶鑄精巧非鍛冶所成者

古銅

獻言南京戊字庫有銅器一事如劍而無刃平直首微稜下有靶長可二尺濶僅及寸背嵌銀作童子捧牌舞牌上有古篆四字面嵌銀題模稜難斷佞臣頭破腦翻成百倍憂解使英雄生膽氣從今不用佩吳鈎詩直似元人作然不可考矣

凌空

獻言周岐鳳青陽人性敏絕倫身兼百藝時郡

守禱雨觀中岐鳳着道衣髻髻負謁守罔識也
與之語稍益狎蕩俄擲其劍躡之凌空而去守
大驚謂真仙來也

白衣

獻言三原臬分署多怪使官莫敢入士子梁澤
以氣自負嘗夜入坐堂上俄一青衣一黃衣一
白衣列跪庭下各陳出處而白衣者曰我劍也
在堂東柱礎下已而各投所處達曙求之

果得寶劍

劍說下

天子諸侯庶人

莊子說劍篇天子之劍以燕谿石城爲鋒齊岱
爲鏑晉魏爲脊周宋爲鐔韓魏爲夾包以四夷
裹以四時繞以渤海帶以常山制以五行臨以
刑德開以陰陽恃以春夏行以秋冬此劍直之
無前舉之無上案之無下運之無旁上决浮雲
下絕地紀此劍一用匡諸侯天下服矣諸侯之

劍以智勇士爲鋒以清廉士爲鍔以賢良士爲脊以忠勝士爲鐔以豪傑士爲夾此劍直之亦無前舉之亦無上案之亦無下運之亦無旁上法圓天以順三光下法方地以順四時中知民意以安四鄉此劍一用如雷霆之震四封之內無不賓服而聽從君命矣庶人之劍蓬頭突鬢垂冠曼胡之纓短後之衣瞑目而語難相擊於前上斬頸領下決肝肺此庶人之劍無異乎闔

鷄一旦命已絕矣

倚天

荆是故事襄王曰能爲大言乎宋玉曰彎弓掛扶桑長劍倚天外杜詩長劍須天倚

文身

晉斐景聲文身劍銘器以利表實以名舉良劍耿介體文經武陸斷玄象水截輕羽九功斯象七德是輔

長劍

胡非子曰負長劍赴榛薄折兕豹赴深淵斷蛟龍

崇谿鋌苗山鋌羊頭銷

鹽鐵論崇谿之鋌淮南子苗山之鋌羊頭之銷

斷犀截鴻

曹植七啓曰陸斷犀象未足稱雋隨波截鴻水

不漸刃

青萍

漢文選注青萍古劍名杜秦州詩雖是握青萍
李德裕傳公之智決利若青萍

龜文龍藻

魏都賦曰劍則流彩之珍素質之寶虹蔚波映

龜文龍藻

千戶

事類賦敲千戶以騰聲梁崔融咏劍詩五精初
獻術千戶竟論都

劍經

梁陶真白所著太清經一名劍經凡學道術者皆須有好劍鏡隨身又說于將莫邪劍皆以銅鑄非鐵也出尚書故事

黃白

吳氏春秋相劍者曰白以爲堅也黃以爲紐也黃白相雜堅且紐良劍也

斬鯨

古劍詩一朝斬長鯨海水赤三月

倚戶

萬畢術曰拔劍倚戶兒夜不驚

礪鵜

杜甫贈張均詩話鋒瑩礪鵜注爾雅鵜領膏湛瑩劍本草礪鵜似鳧而膏可塗劍

虬尾鯨牙

歐陽修劍詩截波虬尾滑脫浪鯨牙直

占雨

歐陽修詩寶劍匣中藏暗室常夜明欲知天將
雨錚爾劍有聲

化形

神仙傳真人去世多以劍代形五百年後劍亦
能靈化

破山

珊瑚鈎詩話有農夫耕地得劍值賈胡售以百

萬約明且取之農夫夜歸庭中有石以劍指之
石立碎詰旦賈胡負錢至則嘆曰劍光已盡不
復買矣農夫問故曰此破山劍也惟可一用吾
欲買之破寶山耳

靈寶

夢溪筆談錢塘人有一劍削十大丁皆截而劍
無纖迹用力屈之如鈎縱之鏗然有聲復直如
弦古之所謂靈寶劍也

神光

翰墨大全古劍詩神光萬丈飛晶燄

